

Advocati, Procuratoris, & Commissarii officia erigit.

affiduis, & continua meditatione pulsamur, ut iustitia mediante, ira, & malorum hominum impetus reprimantur, & boni, de custodia nostra confidentes, in iuribus suis, adversus eos, protegantur, & ubique conserventur.

§.1. Nos igitur, pro nostri pastoralis officii debito, quantum cum Deo possumus, praemissis, ut ubivis debitum sortiantur effectum, non solum verba, sed operarias manus adhibere volentes; motu proprio, & ex certa nostra scientia, ac de apostolica potestatis plenitudine officium Procuratoris, & Advocati Fiscalis, nec non Commissariatum generalem fraudum in tota Provincia Marchiae, illiusque Civitatibus, Terris, Locis, & Iurisdictionibus quibuscumque vacabile ad vitam infra scriptorum, & cuiuslibet eorum concedendum, & conferendum, ita quod obtinentes illud, & illa, per se ipsos, & quemlibet eorum, vel alium, seu alios eius substitutos ad eorum, & cuiuslibet eorum beneplacitum amovibiles, toties, quoties sibi videbitur, exercere valeant, & valeat, apostolica auctoritate perpetuo erigimus, & institimus, separantes, & dismembrantes dicta officia Fiscalatus, & Commissariatibus ab officio Gubernatorum, & Potestatum, ac aliorum Iudicum dictorum Locorum.

Emolumenta eis assignat.

§.2. Illisque sic erectis, & institutis, pro eorum dote, omnia, & singula emolumenta, vigesimas, responsiones, & regalibus ex exercitio dictorum officiorum provenientes, ac prout aliis Fiscalibus, & Commissariis Apostolicis in dicta Provincia solvi solitum fuit, eadem auctoritate applicamus, & appropriamus.

Huiusmodi Officiorum collationem Roman. Pontificibus reservat.

§.3. Eorundemque officiorum ad instar aliorum Romanae Curiae Officiorum similitudinem venalium, ac vacabilium collationem, provisionem, & dispositionem, illorum vacatione per obitum infra scriptorum omnium, & cuiuslibet eorum, & non alias, vel resignationem obtinere, occurrere, Nobis, & Successoribus nostris reservamus.

Præsentemque Literas perpetuo praecipit observari.

§.4. Nec non erectionem, institutionem, appropriationem, applicationem, & dismembrationem, praesentemque literas semper, & perpetuo validas, & efficaces existere, & fore, suosque plenarios, & integros effectus sortiri, & obtinere debere.

Collatio dd. Officiorum DD. de Notis.

§.5. Ut autem officia praedicta alicui idoneo conferantur, & de fidelitate, probitate, & rerum gerendarum experientia dilectorum Filiorum Maximiani Nerosi de Monte novo dicti Piceni, & Marciani similiter Nerosi ejusdem Fratris Consobrini, utrinque conjuncti, J. V. Doctorum, plurimum in Domino confidentes, dicta Officia in dicta Provincia, ejusque locis, iurisdictionibus, & annexis dictae Provinciae, cum omnibus, & singulis honoribus, oneribus, iuribus, emolumentis, vigesimis, resignationibus, salariis, regalibus, & aliis quibuscumque juxta stilum aliorum nostrorum Procuratorum, & Advocato-

rum Fiscalium, ac Commissariorum Apostolicorum eisdem Marciano, & Maximiano, & cuiuslibet eorum, quoad vixerint, & quilibet eorum vixerit, per se ipsos, ipsum, vel alium, seu alios eorum, seu ejus substitutos, etiam dictorum Locorum luculas, ut supra, exercendi, tenendi, regendi, & gubernandi, reservata dispositione dicti officii, & ejus fructuum, quoad resignationem, distributionem, substitutionem, & afflictiones faciendas, pretio, & responsione conveniendis, & fructuum, ac pretii perceptiones Joanni Jacobo Nerosi, similiter juris utriusque Doctori, eorum fratri majori natu, casu quo aliqua discordia oriretur inter ipsos, dicta auctoritate concedimus, & assignamus: ipsosque Marcianum, & Maximianum in tota dicta Provincia, & illius iurisdictione, & quemlibet ipsorum in solidum Advocatum, Procuratorem nostrum Fiscalem, & Commissarium Apostolicum perpetuum, ut supra, cum facultatibus, concessionibus, & Indultis solitis, ac aliis supradictis facimus, & deputamus, cum hac tamen conditione adjecta, quod ipsi Marcianus, & Maximianus, seu Joannes Jacobus, vel alius eorum nomine in nostram, & Apostolicam Sedis subventionem solvere teneantur in manibus dilecti filii Joannis Augustini Pinelli Generalis nostri Depositarii summam pecuniarum scutorum trium millium monetæ de Julii decem pro quolibet scuto, relevando eos ab onere probandi dictas pecuniarum summas esse convertas in subventionem, utilitatem, & necessitatem nostram, & Sedis Apostolicæ. Declarando, dictam summam fore, & esse justum pretium dictorum Officiorum, quæ concedimus in vim contractus inibi nobiscum intractabilis, & si plus valerent, vel valere possent, etiam in magna, & quacumque quantitate, etiam ultra dimidiam, & ulteriorem summam, in magna, majori, & maxima quantitate, omne id, & totum illud plus, eisdem nostris certa scientia, motu proprio, & potestatis apostolicæ plenitudine remittimus, & condonamus eisdem irrevocabiliter.

Summam 3. mill. scuto ab eis persolvi statuit.

Eos in verbis Procuratoris, Advocatum, & Commissarium admitti jubet.

§.6. Mandantes omnibus, & singulis dictae Provinciae illiusque Civitatum, & Locorum Gubernatoribus, Potestatibus, Iudicibus, Thesaurariis, Depositariis, & Officialibus, Prioribus, Hominibus, Universitatibus, & aliis quibuscumque, ad quos spectat, & pro tempore spectabit, quatenus dictos Marcianum, & Maximianum, & quemlibet eorum in solidum, & cuiuslibet eorum substitutos, Officiales, & Ministros, ac Cancellarios ad dicta officia, illorumque libera exercitia admittant, & recipiant, vereque tractent, & recognoscant, illisque, & cuiuslibet eorum de solitis iuribus, emolumentis, regalibus, & aliis supradictis respondeant, & responderi faciant.

Solita Privilegia eis concedit.

§.7. Volumus quoque, ut dicti Marcianus, & Maximianus habeant, & quilibet eorum habeat prerogativas, praecedentias, pra-

Uno decedente alius dd. officia potest exercere.

Derogatio contrariis.

Datum die 15. Augusti 1587. An.III.

Ex Regest. in Secr. Brev.

Exordium.

praereminentias, gradus, & quacumque alia, quos, quas, & quæ soliti sunt habere Commissarii generales a Nobis, & Sede Apostolica transmissi, & eis debentur, & quod praedicti, & quilibet de cuiuslibet eorum familia Substituti, Notarii, Officiales, & Ministri, dici, nocturne possint quacumque arma alias prohibita deferre, nullis, praeterquam Archibusettis brevioris mensurae duarum palmarum, exceptis.

§.8. Declarantes dicta officia fore, & esse nobilia, & dignitates, & non tantum praedictos esse Delegates, sed etiam Judices, & Commissarios Ordinarios, durante vita dictorum, & cuiuslibet eorum, & casu, quo unus eorum tantum superstit, ille solus habeat, & exerceat dicta officia cum supradictis auctoritatibus, & emolumentis, ac aliis suprascriptis in omnibus, & per omnia.

§.9. Non obstante Regula nostra de jure quaesito non tollendo, & de gratis, & Indultis Camerae Apostolicæ praerogativa, quomodolibet concernentibus, registrandis, nec non locorum praedictorum, etiam juramento, confirmationibus apostolicis, vel quavis firmitate alia roboratis statutis, constitutionibus dictae Provinciae, & consuetudinibus, privilegiis, Indultis, praescriptionibus, & Literis Apostolicis etiam illis, illorumque Incolis, ac aliis personis sub quibuscumque tenoribus, & formis, etiam Motu proprio, ac alias in contrarium quomodolibet concessis, confirmatis, & innovatis, filo Palatii, regulis Cancellariae, Constitutionibus Apostolicis, editis, & edendis. Quibus omnibus, & singulis, etiam si de illis, eorumque totis tenoribus, specialis, expressa, & expressissima mentio habenda foret, illis alias in suo robore permanens, hac vice dumtaxat, specialiter, & expresse derogamus; Ceterisque contrariis quibuscumque.

Datum Romæ apud S. Marcum sub Annulo Piscatoris die 15. Augusti 1587. Pontificatus Nostri Anno III.

XXIV.

Ministro, & Commissario Generalibus Ordinibus Fratrum Minorum S. Francisci de Observantia, instituendi Confraternitates Cordigerorum in omnibus Conventibus, & communicandi Indulgentias Archiconfraternitati Assisi erectæ concessas, facultas communicatur.

SIXTUS PAPA QUINTUS

Ad perpetuam rei memoriam.

Divinae charitatis altitudo eminentissima, & summi amoris seraphici inexhausta bonitas, qua ab aeterno, & ante mundi constitutionem in charitate perpetua dilexit Nos, ac ut Nos sibi obstringeret in funiculis Adæ, id est naturæ gratiæ, & gloriae ad se trahere voluit, videns Prothopla-

sti culpa peccatorum funibus circumplexos, & ad se clamantes: propitius esto forti & funiculo hereditatis tuæ: non modo nos vinculos suos non desepit, sed in fortitudine educendos de mendicitate, & ferro dijudicans, in funiculis secundi Adæ (inquit) traham eos, & ut insolubili nosmet sibi vinciret, tenaciusque obstringeret filium suum Redemptorem nostrum (cujus divina disponente gratia, meritis licet imparibus in Sacrosancta Ecclesia vices gerimus) filium Adæ factum, quasi funiculum, divinitate, anima, & carne contextum, ac de Calis ad Terras protensum Iustitiæ cingulo in omni vita sua ad lumbos praecinctum, suamet solius interioris charitate vincitum, licet funibus impiorum pro sua voluntate ligatum, usque ad mortem Crucis tradidit, & traxit, ut sic nobis victis, & in peccatorum funibus vincis, fieret sapientia, Iustitia, sanctificatio, & redemptio; Licet autem tantæ charitatis ardor inextinguibilis esse debuisset, refriguit tamen: unde frigiditate mundo, & in funiculis Evæ (quæ sunt concupiscentia carnis, concupiscentia oculorum, & superbia vitæ) denuo contricto ad denuo inflammandam corda nostra Pater Misericordiarum, & luminum, famulum suum Beatum Franciscum misit, & in tam larga benedictione dulcedinis prevenit, ut non modo virtutum prerogativis, & meritis celebrem fecerit, sed & in Carne ipsius Sacra Christi Stigmata renovaverit, & mira Crucis mysteria ligamina, & paupertatem multiformiter in eo ad vivum demonstraverit, adeo ut vere Christus Francisco inferre possit, semitam meam, & funiculum meum investigasti, & omnes vias meas praevidisti, unde & factum est, ut meritis dicti Beati Francisci, Sacrosancta Mater Ecclesia factu novæ prolis amplificata, ac multorum Sanctorum ejus Instituti meritis, virtutibus, exemplis, & miraculis aucta, nec non quamplurimis Episcopis, Archiepiscopis, Patriarchis, Cardinalibus, Regibus, & Summis Pontificibus decorata, non possit ad ejus devotionis, & imitationis sectanda vestigia non esse propensa.

Sixtus Archiconfraternitatem Cordigerorum Assisi in Ecclesia S. Francisci creaverat.

§.1. Nos pariter, qui a teneris annis singularem erga eundem Beatum Franciscum (gloria nostra) semper gessimus devotionis affectum, & in dies semper accrevit, & mire accrescat, & cuius cinguli, & amictus Instituti, & Ordinis pro Dei gratia, & nostra voluntate pro posse imitatores, Alumni, & servi fuimus, ac fuisse gloriamur, considerantes Populorum devotionem, & propensionem erga tantum virum, & quo devotionis affectu amuletur, & passim anhelet plebs omnis gestamen, saltem funiculi ejus, & quasi non contenta, quod tot tantique utriusque sexus Christiani ad instituta trium Ordinum ipsius ob devotionem ad tantum Patrem, relicto mundo, transferint, totam velit in Sancti Francisci imitatione, devotione, & amore immergere; Idcirco cum pro aliqui responsione amoris nostri erga tantum Patrem,



tem, nuper ad ampliorem decorem in-  
gnis, & celebris Ecclesia Domus ejusdem  
S. Francisci Assisen. Ordinis Fratrum Mi-  
norum Conventualium nuncupatorum, in  
qua quidem Ecclesia sub illius Altari Ma-  
jori, Corpus ejusdem Sancti Francisci re-  
quiescit, ac divini cultus, & piorum ope-  
rum augmentum, ipsiusque S. Francisci  
honorem, & venerationem, ac animarum  
Christifidelium salutem, unam Archicon-  
fraternitatem utriusque sexus Christifide-  
lium, qui Chordam per Fratres dicti Ordinis  
gestari solitam ex illorum devotione a  
Superioribus ejusdem Ordinis circumstantam, &  
susceptam deserent, & illa cingentur sub  
ejusdem S. Francisci invocatione in ipsa Ec-  
clesia, & ad dictum Altare motu proprio  
erexerimus, & instituerimus, ac ut Con-  
fratres Chordigeri dictae Confraternitatis  
ad pia opera exercenda promptiores redde-  
rentur, ac ad Ecclesiam, & Altare hujus-  
modi devotionis causa confluerent: Eisdem  
utriusque sexus Christifidelibus vere  
penitentibus, & confessis, dictam Chordam,  
quae prius a Superioribus dicti Ordinis  
benedicti debeat, ad reverentiam, &  
memoriam ejusdem S. Francisci gerenti-  
bus, sacraque communione refectis Archi-  
confraternitatem ipsam ingredientibus,  
prima die illorum ingressus, ac in mortis  
articulo ipsorum nomen Jesu ore, vel corde  
invocantibus, ac etiam vere penitentibus,  
& confessis, plenariam omnium peccatorum  
suorum Indulgentiam, & remissionem per  
alias nostras literas concesserimus. Nec non  
dilecto filio Clementi Bonafosio, moderno,  
& pro tempore existenti dicti Ordinis  
Ministro Generali, ut quascumque Confraternitates  
utriusque sexus Christifidelium Chordigerorum  
hujusmodi in quibuscumque Ecclesiis Domorum  
Ordinum fratrum tam minorum Conventua-  
lium, quam de Observantia, & Capuccinorum  
nuncupatorum ubicumque, & in quibuscumque  
Ecclesiis partibus erigere, & instituire,  
illasque postquam erectae fuerint, praefata  
Archiconfraternitati cum omnibus, & singulis  
Indulgentiis, & peccatorum remissionibus,  
ac relaxationibus aggregare, ipsasque  
Indulgentias, Confratribus illarum commu-  
nicare, & auctoritatem concesserimus, eadem-  
que Confraternitates erigendas ex tunc,  
prout ex ea die, & e contra dictae Archi-  
confraternitati aggregaverimus, & Indul-  
gentias hujusmodi Confratribus illarum  
communicaverimus, ac literas praedictas  
nullo unquam tempore de subreptionis, vel  
obreptionis, aut nullitatis vitio, vel inten-  
tionis nostrae, seu quopiam alio defectu no-  
tari, impugnari, retractari, aut revocari  
nullatenus posse, sed semper validas, & ef-  
ficaces futuras, suosque effectus plenarios  
fortiri debere decreverimus, & alias, prout  
in dictis literis plenius continetur.

Enunciatis iis  
omnibus, quae  
se a sunt,  
recesseruntque

Confratribus  
nonnullis co-  
cesserat In-  
dulgentias.

Data Mini-  
stro Generali  
Ordinis Con-  
ventualium,  
facultate alias  
hujus generis  
Confraterni-  
tates erigen-  
di, ipsique  
praedictas In-  
dulgentias co-  
municandi.

tem interponere, ipsiusque Archiconfraternitatis  
auctoritatem extendere, ac pium  
dictorum Confratrum Chordigerorum pro-  
positum amplius promovere, eosque spiri-  
tualibus muneribus, Indulgentiis videlicet,  
& peccatorum remissionibus prosequi  
cupientes, supplicationibus dicti Clementis  
hac in parte inclinati: Institutionem hu-  
jusmodi apostolica auctoritate praefata tenore  
praesentium perpetuo approbaverimus, &  
confirmaverimus, suppletes omnes, &  
singulos tam Juris, quam facti defectus, si  
qui intervenerint in eisdem, ipsam Archi-  
confraternitatem in caput omnium Confraternitatum  
Chordigerorum hujusmodi ubi-  
libet institutarum, & instituendarum etiam  
perpetuo auctoritate, & tenore praemissis  
erexerimus, & instituerimus, omnesque  
& singulas Indulgentias, & peccatorum remissiones,  
& relaxationes Religioni, & Ordini Fratrum  
Minorum hujusmodi per quoscumque Romanos  
Pontifices Praedecessores nostros, ac nos concessas,  
quoad eas dumtaxat, quae haecenus non sunt  
revocatae, nec sub ullis revocationibus compre-  
hensa, eisdem auctoritate, & tenore simili-  
ter perpetuo approbaverimus, & confirmaverimus,  
ac illis perpetuae, & inviolabilis firmitatis  
robur adjecerimus, illasque Archiconfraternitati,  
& Confratribus Chordigerorum hujusmodi, sub  
eisdem modo, & forma, quibus ille Religioni,  
& Fratribus praefatis concessa fuerunt, dum-  
modo (ut praefertur) non fuerint revocatae,  
etiam perpetuo concesserimus, communicaverimus,  
& elargiti fuerimus; Nec non de Omnipotentis  
Dei misericordia, ac Beatorum Petri, & Pauli  
Apostolorum ejus auctoritate confisi, utriusque  
sexus Confratribus Chordigerorum hujusmodi  
praeter Indulgentias Religioni praefata concessas,  
in mortis articulo, nec non quoties processio-  
nibus Archiconfraternitatis Chordigerorum  
hujusmodi singulis mensibus fieri solitis  
interfuerint, eisdem quidem Confratribus  
plenariam omnium peccatorum suorum Indulgentiam,  
& remissionem perpetuo concesserimus; aliis  
vero non Confratribus, qui Processionibus hujus-  
modi interfuerint, centum annos de injunctis  
eis, vel alias quomodolibet debitis penitentis  
misericorditer in Domino relaxaverimus, ac  
praefatis Confratribus, qui aliis dictae Archi-  
confraternitatis Processionibus, ut dum Beate  
Mariae, vel quodvis aliud divinum officium  
per ipsos Confratres Chordigeros recitabitur,  
interfuerint, ac quoties Sanctissimum Christi  
Corpus, dum infirmis defertur, vel defunctum  
ad sepulturam associaverint, aut alicui mi-  
serabili personae subvenerint, vel pacem inter  
inimicos composuerint, seu aliquid horum  
fecerint, toties centum dies de injunctis  
eis, aut alias quomodolibet debitis penitentis  
etiam misericorditer in Domino relaxaverimus,  
eisdemque Confratribus Chordigeris, ut  
Indulgentias, & peccatorum remissiones  
praefatas per modum suffragii pro fidelibus,  
qui in gratia Dei decesserint, consequi, & im-  
per-

privilegiis ha-  
ctenus con-  
cessis.

Ministro Generali, & Commissario Generali Ordinis Minorum de Observantia facultatem concedit hujusmodi Confraternitates erigendi.

pertiri valeant concesserimus. Ut facilius  
his specialibus gratis omnes Christifideles  
in diversis orbis Terrae partibus existentes  
gaudere possint, & dum copiosis elemosinarum  
largitionibus Fratres Minores de Observantia  
maximo devotionis affectu, quotidie alunt,  
ab eisdem spiritualia beneficia in signum  
gratitudinis recipere valeant; supplicationibus  
dilecti filii Francisci a Tholosa Ministri  
Generalis Fratrum Minorum de Observantia  
hac in parte inclinati, eidem Francisco a  
Tholosa, atque etiam Thoma de Massa  
Commissario Generali pro Familia Cismontana,  
nec non pro tempore existentibus Generali,  
& Commissario Generali eorumdem Fratrum  
Minorum de Observantia, concedimus  
facultatem, & auctoritatem Ministro Generali  
in toto Ordine Fratrum Minorum de Observantia;  
Commissario autem generali in illa familia,  
cujus fuerit, ubi non sunt ejusdem Ordinis  
Fratrum Minorum Conventualium Confraternitates  
jam erectae, vel eorumdem Minorum  
Conventualium Monasteria, instituendi  
Confraternitates Chordigerorum in omnibus,  
& singulis Conventibus fratrum suorum,  
& concedendi, & communicandi omnes,  
& singulas Indulgentias, peccatorum  
remissiones, & relaxationes, ac tandem  
omnes favores, & gratias, quae praedictae  
Archiconfraternitati concessae sunt, &  
in futurum concedentur.

Cordam benedicere possunt Guardiani, ac Praedecessores Conventuum.

Quibuscumque non obstantibus.

Fides transumptis danda.

Dat. die 29. Augusti 1587. An.III.

§.4. Volumusque, ut cordam Ordinis S. Francisci, quam Confratres utriusque sexus gestare debent, Superiores Fratrum Minorum de Observantia benedicant, intelligendo per Superiores etiam Guardianos, atque Praesidentes.

§.5. Non obstantibus praemissis, ac nostra de Indulgentiis ad instar non concedendis, & quibusvis aliis Constitutionibus, & Ordinationibus Apostolicis, ceterisque contrariis quibuscumque. Praesentibus perpetuis futuris temporibus valituris.

§.6. Volumus autem, quod praesentium transumptis manu alicujus Notarii subscriptis, & sigillo pro tempore existentis Ministri, vel Commissarii Generalis Ordinis Fratrum Minorum de Observantia hujusmodi, vel cujusvis personae in dignitate ecclesiastica constituta, aut Canonici alicujus Cathedralis Ecclesiae munitis, eadem prorsus fides adhibeatur ubique locorum, & gentium in Judicio, & extra, quae ipsis Originalibus adhiberetur, si forent exhibitae, vel ostensa.

Datum Romae apud S. Marcum sub Annulo Piscatoris die 29. Augusti 1587. Pontificatus Nostri Anno III.

Confirmatio Dismembrationis Oppidi de Teruel ab Archiepiscopatu Casaraugustan., illius erectionis in Civitatem, & Diocesim, nec non statutorum nonnullorum, quae Nuncius Apostolicus ediderat, quibus novae adduntur declarationes.

Ex Regest. in Secret. libr.

SIXTUS PAPA QUINTUS

Ad perpetuam rei memoriam.

IN supereminenti Apostolicae dignitatis specula, meritis licet imparibus, divina disponente clementia, sublimati, ad ea, per quae Ecclesiarum quarumlibet, & praesertim Cathedralium insignium, ac personarum in illis degentium, profectui, ac divini cultus augmento, & decori consulitur, operosis studiis, & remediis intendimus, ac alias desuper disponimus, prout locorum, & rerum, ac temporum circumstantiis debite pensatis, id in Domino conspiciamus salubriter expedire.

Solicitudo Pontificis iura Ecclesiarum tuendi.

§.1. Sane pro parte charissimi in Christo filii nostri Philippi Hispaniarum Regis Catholici Nobis nuper exhibita petitio continebat, quod cum alias sel. rec. Gregorius Papa XIII. Praedecessor noster ejusdem Philippi Regis supplicationibus inclinatus, & ex causis tunc expressis ab Ecclesia, & Diocesi Casaraugustana, illius tunc Sede Archiepiscopali vacante, de Teruel, aliaque Oppida, & Loca in districtu Casaraugustan. constitentia, & a tunc latius expressa ad Mensam Archiepiscopalem, & Fabricam Ecclesiae Casaraugustan. spectantia Apostolica auctoritate perpetuo separaverat, ac Oppidum de Teruel praedictum, in quo quaedam Collegiata, & Secularis, & in ea Dignitates, & Canonicatus erant in Civitatem Terulen nuncupandam, nec non dictam Collegiatam in Cathedrali Ecclesia pro Episcopo Terulen cum Episcopali, & Capitulari mensis, sigillo, aliisque insignibus Cathedralibus, etiam perpetuo exererat, nec non eidem Ecclesiae Terulen pro Civitate dicta de Teruel, & alia oppida, atque loca, eorumque districtus pro Diocesi, ac Ecclesias pro Clero, & Seculares personas pro Populo, ac Civitate, Diocesim, Clerum, ac Populum Terulen hujusmodi pro tempore existen. quoad ordinariam, Episcopalem jurisdictionem, & superioritatem Episcopo Terulen. subjiendo, ipsam Ecclesiam Teruel dictae Ecclesiae Casaraugustan. pro ejus suffraganea concesserat. Insuper Mensae Episcopali Terulen, pro ejus dote supra dicta, & alia tunc latius expressa a mensa Archiepiscopali Casaraugustan., Fabrica vero Ecclesiae Terulen, omnia a fabrica dictae Ecclesiae Casaraugustan. separata, applicaverat. Nec non justipatronatus, & praesentandi in perpetuum personas idoneas ad dictam Ecclesiam Terulen, quoties eam quomodolibet, etiam apud Sedem vacare contigerit, sibi, & Successoribus suis Romanis Pontificibus praedicto

Gregorius XIII. Ecclesiam Episcopalem Terulen. exererat, constituta eidem dote, & Diocesi.

Ius praesentandi ad dictam Ecclesiam Hispaniarum Regi attribuetur.



Archidiaconatum quoque, & Archipresbyteratum ibidem instituerat.

Et Philippo, & pro tempore existenti Regi Aragonum reservaverat. Præterea Archidiaconatum de Teruel, cujus M.M.D.C., quorum major pars in dicto districtu percipiebatur, nec non Archipresbyteratum etiam de Teruel, in Ecclesia Casaraugustana, qui inibi dignitatis non tamen majoris, seu quoad Archipresbyteratus officium, vel administratio erant M. D. Ducatorum auri de Camera, fructus, redditus, & proventus, secundum communem estimationem, valorem annuum non excedebant, ex tunc si vacabant, sin minus, cum primum vacarent, suppresserat, & extinxerat, ac in dicta Ecclesia Terulen, etiam ex tunc unum Archidiaconatum, & unum Archipresbyteratum in dignitates dictæ Ecclesiæ Terulen perpetuo crexerat, & cullibet illorum pro eorum dote quingentos Ducatos annuos ex fructibus Archidiaconatus, qui in districtu Teruel percipiebantur dumtaxat, & Archipresbyteratus suppresserunt hujusmodi dividendos applicaverat, & appropriaverat, reliquos vero fructus, redditus, & proventus, ac bona dicti Archidiaconatus suppressi, qui extra dictum districtum erant, seu percipiebantur, Fabrica dictæ Ecclesiæ Casaraugustana applicaverat, volens, quod ex tunc fabrica dictæ Ecclesiæ Casaraugustana teneretur ad omnia onera dicti Archidiaconatus, si ille ad aliqua in Ecclesia, Civitate, & Diocesi Casaraugustana antea tenebatur congrue sustinenda. Præterea a Canonicibus, & Præbendis dictæ Ecclesiæ Terulen omnia, & singula fructus, redditus, proventus, jura, obventiones, & emolumenta, ac distributiones quotidianas ex tunc, si ipsi Canonicatus, & Præbenda vacarent, sin minus, cum primum vacassent, dismembraverat, ac illos eidem massæ applicaverat. Ac insuper, ultra Canonicatus, & Præbendas, qui tunc erant ipsius Ecclesiæ Terulen, decem alios Canonicatus, & totidem Præbendas in eadem Ecclesia Terulen, quarum Præbendarum una Magistro in Theologia, alia Penitentiario juxta decreta Concilii Tridentini, quatenus nondum Magistro, & Penitentiario prædictis propria inibi assignate essent præbendæ, perpetuo assignari deberent, etiam perpetuo crexerat, & instituerat, volens, quod ex tunc Archidiaconatus, & Archipresbyteratus, ac decem Canonicatus, ac Præbendæ, tunc erecti, ab illa primæva erectione vacarent, ab Ordinario Terulen, personis, quæ unum ex simplicibus beneficiis Ecclesiasticis in eadem Ecclesia Terulen obtinebant, seu aliis Clericis, qui vellent in illis, donec prædicta applicationi locus factus foret, sine aliis fructibus, proventus, & redditibus deservire, conferri possent. Quodque Beneficiati prædicti, donec omnimode applicationi hujusmodi locus factus esset, beneficia per eos in eadem Ecclesia Terulen obtenta, absque aliqua dispensatione retinere, libere, & licite possent una cum Canonicibus, & Præbendis, ac Archidiaconatu, & Archipresbyteratu præ-

Canonicatus insuper, & præbendas extirperat.

Et ab Ordinario ipso Terulen conferri concesserat.

dictis, & deinde loco facto omnimoda applicationi hujusmodi tenerentur beneficia prædicta dimittere, alioquin ex tunc vacare decreverat: & insuper, tam antiquas, quam tunc erectas dignitates obtinentes, locum, & vocem in Capitulo Terulen cum plenitudine juris canonici assignaverat. cum eo tamen, ut contenti essent fructibus, redditibus, & proventus dignitatum hujusmodi, nec ullam partem haberent ex distributionibus Canonicorum hujusmodi, etiam statuerat, & ordinaverat: Quodque dignitates hujusmodi essent incompatibiles cum Canonicibus, & Præbendis dictæ Ecclesiæ Terulen, de quibus impostum provideretur; & quod tertia pars fructuum, reddituum, & proventus dignitatum præfatarum converteretur in easdem distributiones quotidianas, dignitates easdem obtinentibus, assignandas. Et similiter Canonici, quibus de Canonicibus, & Præbendis dictæ Ecclesiæ Terulen provideretur, lucrarentur medietatem fructuum, reddituum, & proventus dictæ massæ applicatorum in distributionibus quotidianis, quæ dietim intervenientibus horis diurnis, pariter & nocturnis, juxta providam ordinationem per Ordinarium prædictum faciendam assignarentur. Reliqui vero fructus, redditus, & proventus, grossi nuncupati, præbendis juxta ordinationem per Capitulum faciendam applicarentur; Decernens Dignitatum, Canonicatum, & Præbendarum, & aliorum Beneficiorum Ecclesiasticorum in d. Ecclesia Terulen, ante erectionem prædictam collationem, ad solum Episcopum Terulen pro tempore existentem, eisdem modo, & forma, quibus ad Archiepiscopum Casaraugustanum ante erectionem hujusmodi spectaverat. Dignitatum vero, & Canonicatum, & Præbendarum erectorum hujusmodi ad solum Episcopum prædictum spectare, & pertinere, ac dignitas, quæ in eadem Ecclesia Terulen ante dictam erectionem principalis extiterat, inibi de cetero, post Pontificalem major esset, nec non ad perceptionem fructuum, reddituum, & proventus dictæ massæ, ut præfertur, applicatorum, tantum Canonicos, quibus dicti decem Canonicatus, & Præbendæ tunc erecti conferrentur, ac illos, quibus de antiquis Canonicibus, & Præbendis prædictis ex tunc provideretur, quique ipsorum Canonicatum, & Præbendarum antiquorum, fructibus, redditibus, & proventus, ac distributionibus in favorem dictæ massæ renunciarent, seu cederent, admitti deberent. Nec non Archidiaconatum, & Archipresbyteratum hujusmodi obtinentes, aliquo modo, illas resignare non possent, & illorum resignationem, si fieri contingerit, ad hoc ut suppressio, & extinctio hujusmodi effectum sortirentur. pro non facta censeri, aliasque, & aliter desuper dispo fuerat, prout in ejusdem Prædecessoris desuper expeditis literis plenius continetur, eidemque Ecclesiæ Terulen, Sede Archiepiscopali Casaraugustana tunc vacante, de

Distributiones quoque applicaverat.

Allis nonnullis edictis Decretis, quæ hic recententur.

Apostolico Nuncio eam faciendam commiserat, quæ Terulen, & Casaraugustana Ecclesiis magis convenire judicaret.

Nuncios Apostolicos Carolum Munoz subdelegavit.

Qui utriusque Diocesis fines constituit.

persona devota illius Creaturae Andrea Episcopi Terulen. provifum fuerat, ipseque Andreas provisionis hujusmodi vigore, regimini, & administrationis dictæ Ecclesiæ Terulen, ac nonnullorum locorum, seu oppidorum Ordinarii Casaraugustanae temporalis, & spirituali jurisdictioni subiectorum possessionem apprehenderat. Idem Prædecessor existimans propter locorum distantiam facile esse posse, ut ex fructibus, & aliis dismembratis, & applicatis, aliqua ipsi Ecclesiis, & locis a quibus separata, & quibus applicata erant, minus congruentia, & utilia, seu aliqua Castra, Loca, Villas, seu Oppida, aut Domus vel Territoria minus convenientia applicata, aut confinia Diocesium non bene distincta essent, cupiensque negotium hoc, quo convenientius fieri posset, perfici, Venerabili Fratri Philippo Episcopo Placentin. Provinciae Bononien. suo tunc, & Apostolica Sede in Hispaniarum Regnis Nuncio per alias suas in forma Brevis Literas dedit in mandatis, quatenus ejusdem Prædecessoris auctoritate per se, vel alium, loca prædicta inviseret, & si aliquorum separationem minus congrue factam fuisse reperiret, eam revocaret, & loca hujusmodi cum eorum redditibus de novo, prout applicanda essent, applicaret: & si alia loca a Diocesis prædictis, vel altera earum pro Ecclesiæ convenientia adhuc separanda censeret, separaret, & prout magis convenire cognosceret, applicaret. Nec non, si sufficienter provifum non esset pro supportandis oneribus dignitatum suppressarum prædictarum, arbitrio suo provideret, ac Diocesis prædictis terminos statueret, aliisque arbitrio suo faceret, & exequeretur, quæ necessaria forent, ut in eisdem in forma Brevis Literis plenius continetur. Quarum vigore idem Philippus Nuncius non valens Curia Regia, in qua pluribus arduis præpeditis negotiis detinebatur, abesse, Dilectum Filium Carolum Munoz Canonicum Ecclesiæ Tirafonen., ac tunc Vicarium Generalem in Oppido de Calatayud Tirafonen. Diocesis Commissarium suum, ad præmissa, deputavit; Cumque ab eo sic deputato receptis desuper diligentibus, & exactis informationibus, processibus, & aliis videndis, visis, ac diligenter perspectis, reperisset aliqua in Ecclesiis, & Locis, a quibus separata, & quibus applicata erant minus congruentia, & utilia existere, & aliqua Castra, Villas, seu Loca, & Domus, vel Territoria minus convenienter applicata, aut confinia Diocesium non bene distincta esse, auctoritate Apostolica, sibi, ut præfertur, concessa, declaravit, & statuit, ipsam Civitatem de Tervel, nec non loca, Villas, Oppida, seu terras infra scripta, videlicet Cella, Conde, Caudete, Sancta Eulalia, Torremoncha, Villarquemado, Alaba, Torre la Carcel, Gallepardina, Celalas, Campillo, Ruviales, Valdecebro, Corvalan, Tortazada, Villalava la baxa, Visedo, Argente, Buenna y Augaton, Camannas

Pierales, Rillo, Son del puerto, Fuentes callentes, Cannada bellida, Galve, Lidon, Villalva la alta, Escoriguela, Peralezos, Cucvas la bradas, Sarrion, Albenfosa, Sant Augustin, Avezucla, Torrizas, Cubla, Aldehucla, Camarena, Castralvo, Ruvielos, Fuentes, Hogueruelas, La Puebla, Castellar, Formiche alto, Formiche baxo, Cabra, Montagudo, Mosqueruela, Allipuz Gudar, Valdelinares, Cedrillas, Povo, Ababux, Aguillar, Camarillas, Cuevas de Almuden, Cuevas del Rozin, Exarque, Mesquita, Ynnoxofa, Campos, Ciruzeda, Alora, Balbona, Alcalá, Olva, Cascante, Valadoche, Alhambra, Orrios, Villel, Rio de Evas, Villertar, Libros, Mananera, Vecchi, eorumque districtus, Territoria, & terminos Episcopi Terulen., cui ea omnia, eorumque Ecclesias, ac personas pro Clero, & Populo assignavit. Hac vero, videlicet el Puerto de Mingalvo, Linares, el Vispal, Mirabete, & Exorcas in spiritualibus, & temporalibus, & de Aliaga, Fontanete, Villa Roya, & Petarque in spiritualibus tantum, eorumque Territoria, Districtus, ac terminos præfata possessione de illis per quemcumque etiam Episcopum Terulen capta non obstante, Archiepiscopi Casaraugustanae perpetuo esse, & fore declaravit, statuit, definivit, & ordinavit: decernens, & mandans, quod de cetero Archiepiscopo Casaraugustano pro tempore existenti pro congruo ministerio jurisdictionis Ecclesiasticae in prima instantia, & personarum Ecclesiasticarum commoditate tenerentur, & obligati existerent constituere, & deputare unum Vicarium in dictis Oppidis, Villis, & locis, qui quorumcumque Villarum, Oppidorum, seu locorum, & Commendæ de Aliaga Vicarius nuncuparetur, & in aliquo eorumdem locorum, seu Oppidorum magis apto, & congruo, ab eodem Archiepiscopo declarando, resideret cum congrua mercedis assignatione ab eodem Archiepiscopo assignanda, ac omnia & singula in dictis quibuscumque Villis, & Oppidis, & Commendæ de Aliaga, & eorum, seu eorum districtibus in prima instantia facere, gerere, exercere, & exequi posset, quæ Vicarii foranei incumbere officio, & ipsius auctoritas postularer, & requireret, haberetque in spiritualibus tandem facultatem, potestatem in dictis quibuscumque Villis, & Oppidis, & Commendæ de Aliaga, quam tunc ante dismembrationem, & novæ Cathedralis erectionem Officiales, vel Vicarii, qui dicebantur de Tervel in eisdem Locis, & Commendæ habebant, exercebant, & exercere soliti erant. Præterea loco Archidiaconatus de Tervel in Ecclesia Casaraugustana prædicta, per eundem Prædecessorem suppressi ex tunc, unum Archidiaconatum de Aliaga nuncupandum in dicta Ecclesia Casaraugustana dignitatem inibi, non tamen post Pontificalem majorem, pro uno Archidiacono de Aliaga similiter nuncupando in dicta Ecclesia Casaraugustana, qui omnia onera, ad quæ Ar-

Archidiaconatum de Aliaga in Ecclesia Casaraugustana instituit.



chidiaconus de Tervel antea tenebatur, sup-  
portare, teneretur, perpetuo erexit, illi-  
que pro dote eius tertiam partem eorum  
fructuum, quos in praedicta Commenda de  
Aliaga, & Oppidis, seu Locis del Puerto  
de Mingalvo, Linares el Vispal, Miravete,  
& Exorcas Archiepiscopus Casaraugustanus,  
ratione spiritualitatis percipere alias  
solitus erat, etiam ex tunc, nec non cen-  
sus, & alios cuiusvis generis fructus per  
tunc Archidiaconum de Tervel in Civitate  
Casaraugustana, & de la Torrezilla, Pen-  
na flor, Frescano, Almoele, Piracense,  
Alagon, Elurco, Oppidis, sive Locis Ca-  
saraugustanae Diocesis percipi, & exigi so-  
litas, ac Domos in Civitate Casaraugusta-  
na per tunc Archidiaconum possessas perpetuo  
applicavit, & assignavit, eidemque  
Archidiacono, ut omnibus, & singulis pri-  
vilegiis, gratiis, & exemptionibus, praerogativis,  
antelationibus, concessionibus, favoribus,  
& Indultis, tam spiritualibus, quam temporalibus,  
quidquid Archidiaconi de Tervel pro tempore  
ante suppressionem huiusmodi in Ecclesia Casaraugustana  
de jure, usu, & consuetudine, aut alias  
quomodolibet utebantur, & gaudebant,  
ac uti, potiri, & gaudere poterant, uti,  
potiri, & gaudere libere, & licite possent,  
& valerent, concessit, & indulgit.  
Reliquorum autem omnium fructuum,  
reddituum, & proventuum ratione spiri-  
tualitatis, & Commendae de Aliaga, &  
quorumcumque oppidorum, seu locorum  
del Puerto Mingalvo, Linares, el Vispal,  
Exorcas, & Miravete, qui dempta tertia  
parte eidem Archidiacono de Aliaga assignata,  
superfuit, quartam partem Fabricae  
Ecclesiae Casaraugustanae in recompensam  
fructuum, reddituum, & proventuum,  
quos alias fabrica ipsa in certis locis  
dictae Communitatis de Tervel percipiebat,  
ac quod, his omnibus omnino deductis,  
reliquum esset Mensae Archiepiscopali  
Casaraugustanae, una cum omnibus,  
& singulis fructibus, redditibus, & pro-  
ventibus quibuscumque ex loco de Montagudo  
Terulen. Diocesis provenientibus,  
quos alias Archiepiscopus Casaraugustanus  
in dicto loco de Montagudo percipere solitus  
erat in recompensam quartae partis  
fructuum, reddituum, & proventuum  
fabricae Ecclesiae Casaraugustanae ex fructibus,  
redditibus, & proventibus Commendae  
de Aliaga, & quorumcumque locorum,  
seu oppidorum supradictorum applicato-  
rum huiusmodi assignavit, applicavit, &  
appropriavit: Insuper Episcopo, & Mensae  
Episcopali Terulen omnes fructus, red-  
ditus, & proventus, ac emolumenta qua-  
cumque ex locis de Cella, Conclud, Cau-  
dete, Santa Eulalia, Torremocha, Vil-  
laquemado, Alaba, Torre, la Carcel,  
Gallepardina, Celadas, Campillo, Ru-  
viales, Valdecebro, Corvalan, Tortaza-  
da, Villa Iua la baxa, Visedo, Argente,  
Buenna y Angaton, Camannas Perales  
Rillo, Son del Puerto, Fuentes calientes  
Cannada bellida, Galve, Lidon, Villa Iua

Dotem Archidiaconi de Tervel commutavit.

Redditus fabricae Ecclesiae Casaraugustanae assignavit.

Dotem Episcopo Terulen commutavit.

la alta, Escoriguela, Peralezos, Cuevas  
la bradas, Sarrion, Albenosa, Sant  
Augustin, Avezucla, Torrizas, Cubla,  
Aldehucla, Camarena, Castralvo, Ruvie-  
los, Fuentes, Hogueruelas, la Puebla,  
Castellar, Formiche alto, Formiche baxo,  
Cabra, Mosqueruela, Gudar, Val de Li-  
nares, Cedrillas, Povo, Ababux, Aguil-  
lar, Camarillas, Cuevas de Almuden, Cue-  
vas del Rosin, Exarque, Mesquita Hino-  
zosa, Campos, Ciruzeda, Mora, Balbo-  
na, Alcalá, Olva, Calcante, Valacloche,  
Alhambra, Orrios, Villed, Rio de Eva,  
Villetter, Libros, Vechi provenientia, quae  
alias Archiepiscopus Casaraugustanus per-  
cipere solitus erat, & quae etiam anno scier-  
li cum fertili computato, ad valorem decem  
millium librarum monetae illarum  
partium, decem Regalibus computatis pro  
qualibet libra annuatim parum plus, vel  
minus ascendunt pro dicta Mensae Episco-  
pali Terulen dote, cum omnimoda illo-  
rum ordinaria, & Episcopali jurisdictione,  
& superioritate, ac mero, & mixto im-  
perio, propria auctoritate, percipienda. Et  
praeterea omnes fructus, redditus, & pro-  
ventus, & emolumenta, ac jura, quae alias  
Archiepiscopus Casaraugustanus in Civita-  
te de Tervel percipiebat, ita tamen, quod  
tunc, & pro tempore existens Episcopus  
Terulen. pensiones, & alia onera, alias su-  
per fructibus, redditibus, & proventibus  
Mensae Episcopalis Terulen. impositas, &  
imposita, seu alias legitime imponendas,  
vel imponenda ex fructibus, redditibus, &  
proventibus Mensae Episcopali applicatis  
huiusmodi, omnino perferre teneretur,  
perpetuo applicavit; Utque Ecclesia Teru-  
len. qua decet, honestate, & decore diri-  
geretur, statuit, quod ex tunc deinceps in  
Ecclesia Terulen. essent, & esse deberent  
septem Dignitates, videlicet, Decanatus,  
Thesauraria, Vicaria, Cantoria, Sacristia,  
ac de novo, ut praefertur, erefci Archi-  
diaconatus, & Archipresbyteratus, statuit  
etiam, quod cum quicumque Priores ultra  
alios eorum redditus habeant sibi annexos  
totidem Canonicatus, & Praebendas, quod  
tam antiquas, quam noviter erefctas digni-  
tates huiusmodi pro tempore obtinentes,  
contenti essent fructibus, redditibus, &  
proventibus, & distributionibus suarum  
praedictarum Dignitatum, & Canonicatuum,  
ac Praebendarum, nec ullam, ex  
distributionibus aliorum Canonicorum,  
partem haberent, illis tamen locum, ac  
vocem in Capitulo, ac stallum in Choro  
cum plenitudine juris canonici assignavit,  
ita tamen, quod quinque dignitates anti-  
quae huiusmodi omnes fructus, redditus,  
& proventus dignitatum suarum praedictarum,  
nec non distributiones quotidianas perciperent,  
quemadmodum ante erefctionem huiusmodi,  
tam ratione Dignitatum, quam Canonicatuum,  
& Praebendarum, percipere consueverant.  
Duarum vero noviter erefctarum dignitatum,  
cuilibet pro Dote quingentas, & quinquaginta  
libras similes, annuatim percipiendas, & exige-  
ndas

Capitulum erexit contituta cuicque Dignitati, & Canonicatui dote competenti.

das ex Archidiaconatus, & Archipresbyteratus  
Terulen. in Ecclesia Casaraugustana  
suppressorum fructibus, redditibus, &  
proventibus, qui in districtu de Tervel  
tantum percipiebantur, ex tunc Archidiacono.  
& cum primum locus factus foret suppressioni,  
Archipresbytero praedictis, liberatas,  
exemptas, & immunes a pensionibus, &  
quibuscumque oneribus alias forsan super  
illorum fructibus, redditibus, & proventibus  
impositis, eidemque Archidiacono domus  
in Civitate de Tervel existentes, & ad  
dignitatem Archidiaconatus de Tervel  
pertinentes, eo modo, quo ante erant, &  
ad Archidiaconum de Tervel, in Ecclesia  
Casaraugustana, spectabant, perpetuo assignavit,  
actam Archidiacono, quam Archipresbytero  
in Ecclesia Terulen. praedictis, similiter,  
& omnibus, & singulis privilegiis, gratiis,  
exemptionibus, praerogativis, antelationibus,  
favoribus, & indultis tam spiritualibus,  
quam temporalibus, quibus Archidiaconus,  
& Archipresbyter praedicti ante suppressionem,  
& novam erefctionem huiusmodi in Ecclesia  
Terulen. utebantur, poterant, & gaudebant,  
ac uti, potiri, & gaudere poterant, perpetuis  
futuris temporibus uti, potiri, & gaudere  
libere, & licite possent, & valerent, concessit;  
Statuitque etiam, quod tertia pars fructuum,  
reddituum, & proventuum Archidiaconatus,  
& Archipresbyteratus praedictorum converteretur  
in distributiones quotidianas, dignitates easdem  
obtinentibus assignandas, ita quod distributio  
absentis, quam praesens perciperet, praesenti  
accreferet, & si contingeret, Archidiaconum,  
& Archipresbyterum simul eodem tempore  
abesse, durante eorum absentia, distributiones  
illorum Canonicis accrescerent, non intendens  
pratenso Archipresbytero de Tervel ab Ordinario,  
ut praetenditur, praetere praefato jus aliquod  
tribuere, cum nondum locus factus fuerit  
suppressioni Archipresbyteratus huiusmodi  
in Ecclesia Casaraugustana, & remanentibus  
in eadem Ecclesia Terulen. septem dignitatibus  
praedictis, illius Canonicatus, & Praebendas  
tam antiquas, quam noviter, ut praefertur,  
erefctas ad numerum tredecim reduxit, ac  
similiter ordinavit, quod in illa octo Portionarii,  
xxiii. Beneficiati, unus Magister Cappella,  
unus Macerius, unus Campanerius, duo Sacristae,  
& sex Pueri Chori manutenerentur, earumdemque  
Praebendarum una Magistro in Theologia,  
alia Pœnitentiaro, juxta Decreta Concilii  
Tridentini, quatenus nondum assignatae  
essent, ac decem antiqui ultra eorum, quos  
habebant, redditus antiquos mille, reliquis  
vero tribus ex decem noviter erefctis remanentibus,  
sexcentas libras similes annuatim ex fructibus,  
redditibus, & proventibus Archidiaconatus  
de Tervel suppressi, qui in dicto districtu  
percipiebantur, & percipiuntur, assignavit,  
& providit, quod decem antiqui, ultra  
distributiones antiquas, medietatem fructuum,  
reddituum, & proventuum suis Canonica-

Convenientiaque unicuique jura, & privilegia attribuit.

Distributiones quotidianas instituit.

Alios Beneficiatos instituit.

Canonicis dotem assignavit.

tibus, & Praebendis applicatorum; Reliqui  
vero tres Canonici etiam medietatem fructuum,  
reddituum, & proventuum suorum Canonicatum,  
& Praebendarum huiusmodi lucrarentur, in  
distributionibus quotidianis, intervenientibus  
Horis Canonicis juxta ordinationem desuper  
faciendam, distribuendam, lucrarentur, ita  
quod non interessentium distributiones, inter-  
essentium portioni accrescerent. Praeterea  
accepto per ipsum alias pie mem. Pium Pa-  
pam V. Parochialem Ecclesiam S. Joannis  
Civitatis Terulen, in qua tunc duodecim  
Portionarii, sive Beneficiati perpetui Portionarii  
nuncupati existebant, postea vero aliquibus  
morte praeventis, octo ex eisdem remanserunt,  
ex certis causis profanari, ac quod octo  
remanentes Portionarii, seu perpetui Beneficiati  
praedicti Missas, & alia divina Officia in  
quodam Hospitali, seu Ecclesia Hospitalis  
Sancti Joannis Terulen. celebrarent, mandasse  
portiones, seu beneficia huiusmodi, quarum,  
seu quorum insimul fructus, redditus, &  
proventus CCCC. ducatorum auri de Camera,  
parum plus, vel minus non excedebant cum  
omnibus iuribus annexis, & pertinentiis  
suis massa communi Portionarium Ecclesiae  
Terulen. perpetuo univit, annexit, & incor-  
poravit, illaque, & illas cum dote centum  
librarum similibus cuilibet ex octo Portionariis  
huiusmodi, novo reddito cum antiquo  
computatis erexit, ac illas, & illa, nec non  
personas illas, seu illa obtinentes, & loca  
ad dictam Ecclesiam, & Chorum Ecclesiae  
Terulen. transfudit, ipsisque octo Portionariis,  
seu Beneficiatis ultra antiquos suos redditus,  
quos in loco de Mesquita Terulen. Diocesis  
cum Anniversariis, seu illas percipiebant,  
quadringentas libras similes annuatim ex  
fructibus, redditibus, & proventibus  
suppressi Archidiaconatus, & qui in dicto  
districtu percipiebantur, & percipiuntur,  
applicavit, statuens, quod portionarii  
praedicti tertiam partem fructuum, reddituum,  
& proventuum applicatorum huiusmodi in  
distributionibus quotidianis intervenientibus  
dictis Horis dari solitis, ultra illos, quos  
ex redditibus antiquis percipere consueverunt,  
juxta ordinationem desuper faciendam  
lucrarentur, ita quod, quoad absentium  
distributiones, praesentium portioni itidem  
accreferent, eademque portiones, seu beneficia  
suis patrimonialibus, uti consuetum erat,  
conferrentur, Beneficiatis vero dictae  
Ecclesiae Terulen. num. xxiii., ut assidue in  
illius servitio libentius persisterent, ultra  
dictos fructus, redditus, & proventus  
antiquos CCL. ex Archidiaconatus, ac alias  
C., & Lex Archipresbyteratus suppressorum  
praedictorum fructibus, redditibus, &  
proventibus, qui in dicto districtu percipiebantur,  
& percipiuntur, quae omnes in distributionibus  
quotidianis lucrarentur, & aliae alii  
accreferent, ut praefertur. Porro Magistro  
Cappella, Organista, Macerio, Campanerio,  
Sacristis, & Pueris, sive Infantibus Chori  
tercentas libras similes inter eos

Massa communi Portionarium unicuique redditus Parochialis Ecclesiae S. Joannis Terulen.

Ceteris quoque redditus Beneficiatis applicavit.

Ceterisque Capitulo, & Ecclesiae Ministris.



Episcopo vero, & Capitulo statuta eadem facultatem concessit.

Prædicta omnia confirmari petunt Philippus Rex, & Episcopus Terulen.

Rata habet Pontifex in his, quæ inferius recensendis non aduersabuntur.

pro cuiusque Officii qualitate, & juxta ordinationem desuper a Capitulo faciendam ex ejusdem Archiepiscopatus fructibus, redditibus, & proventibus, distribuendas. Fabrica vero dictæ Ecclesiæ Terulen, ultra suos fructus, redditus, & proventus antiquos, quos in districtu de Teruel percipit, omnes fructus, redditus, & proventus, jura, obventiones, & emolumenta per fabricam Ecclesiæ Cæsaraugustanæ alias percipi solita in districtu de Teruel, sive in domibus, sive in aliis bonis, aut censibus consistentes, similiter assignavit. Ac insuper Episcopo, & Capitulo Ecclesiæ Terulen, statuta, & ordinationes circa prædicta, ac pro felici regimine, & gubernio illius Ecclesiæ, ac personarum illius decore, & venustate, divinique Officii celebratione, & aliis ejusdem Ecclesiæ necessariis condendi, facultatem concessit, quæ postquam condita, & facta essent, vim, & effectum habere, ac ab omnibus observari voluit, atque mandavit. Ac præterea omnes fructus, redditus, & proventus, jura, obventiones, & emolumenta de Allepuz, Mançanera locis, seu Oppidis Terulen, Diocesis provenientia, nec non reliquos Archiepiscopatus Cæsaraugustan. non applicatos, nec distributos, suæ sive sui Successoris dictæ Sedis pro tempore in eisdem Regnis existen. Nuncii dispositioni reservavit, prout in ejusdem Prædecessoris, ac Nuncii prædicti, literis plenius continetur.

§.2. Quare idem Philippus Rex, ac Episcopus Terulen, nobis humiliter supplicari fecerunt, quatenus præmissa omnia, ac singula, & processus desuper habitos, ac contenta, & latius expressa in eisdem, & inde sequuta quæcumque, in quantum tamen infrascriptis non contrariantur perpetuo approbare, & confirmare, auctoritatique nostræ robore communitate, ac alias desuper opportune providere de benignitate Apostolica dignaremur.

§.3. Nos, qui honestis ejusdem Regis, ac Episcopi votis libenter annuimus, eoque favoribus prosequimur opportunis, eisdem Philippum Regem, ac Episcopum a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodati existunt ad effectum præsentium dumtaxat consequendum, harum serie absolventes, & absolutos fore censentes, nec non literarum prædictarum, ac inde sequutorum veteriores tenores, præsentibus pro expressis habentes, hujusmodi supplicationibus inclinati, præmissa omnia, & singula, ac processus desuper habitos, & contenta, & latius expressa in eisdem, & inde sequuta quæcumque, in quantum tamen infrascriptis non contrariantur, auctoritate Apostolica, perpetuo approbamus, & confirmamus, ac per eos, ad quos nunc spectat, & in futurum spectabit, perpetuo, firmiter, & inviolabiliter observari debere decernimus, nec non omnes, & singulos, tam

juris, quam facti defectus, ac quoscumque alios, etiam substantiales, & solemnitate omiffarum, si qui quomodolibet, & undecumque desuper intervenerint defectus, supplemus.

§.4. Et nihilominus pro feliciori præsentis negotii successu, omnia, & singula Oppida, Villas, Terras, Castra, Loca, & Territoria, fructus, redditus, & proventus, jura, obventiones, & emolumenta per prædictum Nuncium in executionem dictarum Literarum ejusdem Prædecessoris Episcopo Terulen, tam pro ejus Diocesi, & ordinaria jurisdictione, quam pro Mensa, & illius dote assignata, & applicata, modo, & forma, prout in prædictis ejus literis continetur, assignamus, & applicamus, & quod modernus, & pro tempore existens Episcopus Terulen habeat in Villis, Oppidis, Castris, Terris, & aliis prædictis locis, & in eorum districtibus, terminis, & territoriis, Populo, & Clero, fructibus, redditibus, proventibus, emolumentis, eandem jurisdictionem, & potestatem, merum, & mixtum imperium, quam, & quod Archiepiscopus Cæsaraugustan. ante præmissa, ac de jure, usu, consuetudine, vel alias quomodolibet habebat, seu habere poterat, & illis in omnibus, & quoad omnia gaudeat, decernimus, & declaramus.

§.5. Quodque sex dignitates in illa, nempe Decanatus, Archidiaconatus, Archiepiscopatus, Thesauraria, Cantoria, & Sacristia, nec non ultra inquisitioni affectos alii duodecim Canonicatus, & totidem Præbendæ, & ultra illas, & illos pro tempore obtinentes, decem alii Ministri in officio Chori, Altarisque Ministerio optime versati per Episcopum, & Capitulum ipsius Ecclesiæ eligendos, & approbandos, qui simul cum dignitates, & Canonicatus, ac Præbendas hujusmodi pro tempore obtinentibus, horis, & aliis divinis officiis in ipsa Ecclesia Terulen, pro tempore celebrandis intersint, ac duo Sacristæ, unus Macerius, unus Campanerius, & sex Clerici chori perpetuis futuris temporibus esse, & manuteneri, & ex prædictis decem Ministris duo ætate, scientia, & moribus idonei, nomine Capituli, Curam Animarum Parrochianorum dictæ Ecclesiæ Terulen, quæ etiam Parrochialis existit, vicissim, & alias, prout Ordinario, & Capitulo videbitur, exercere, nec non unus Magister Cappella, unus Organista, & duo Diaconi, & Subdiaconi, reliqui vero duo succentorum officiis in eadem Ecclesia Terulen, arbitrio Episcopi, & Capituli in perpetuum fungi, quique ad dictam curam exercendam deputabuntur Portionariis, & Beneficiatis dictæ Ecclesiæ præferri debeant etiam perpetuo statuimus, & ordinamus.

§.6. Præterea ea Canonicatus, & Præbendis prædictis, nnum, & unam in theologales pro Magistro in Theologia, ac alium, & aliam pro Pœnitentiario, ac alium, & aliam pro utriusque juris Doctore, necnon alium, & aliam pro Cæremonia-

Jus, proprietatemque Archiepiscopo Cæsaraugustan. competentem in bonis, locisque Terulen, Episcopo assignatis in eundem Episcopum transferri.

Capitulumque erigit applicata eidem cura animarum Civitatis Terulen.

Dignitatum, Canonicatusque Gradus distinguunt.

Vicariam supprimit, unitque Capitulo, a quo duo Presbyteri eligantur pro exercenda cura animarum.

Octo Portionarios ex Ecclesia S. Joannis translatos suo loco restituit, reliquis Capitulo redditibus.

niarum Magistro, & has quatuor pro Sacerdotalibus, & ex remanentibus, quatuor in Diaconales, reliquos vero quatuor in Subdiaconales pro totidem Canonicis, qui Missis Capitalibus, & aliis Divinis Officiis, sua quisque munera ad formam Tridentini Concilii, & juxta providam ordinationem desuper ab Episcopo faciendam subire teneantur, quatenus ibi nondum sic proprie instituti, vel alias assignata sint, ex nunc si vacant, sin minus eam primum quoquomodo vacabunt, erigimus, & instituiamus, & ita, & ad effectum præmissam officium, omniaque, & singula eorum fructus, redditus, & proventus, jura, obventiones, & emolumenta quæcumque, necnon distributiones quotidianas ab eisdem discernamus, & separamus, eaque juxta dictarum Prædecessoris discernationis literarum tenorem Mensæ Capitali ejusdem Ecclesiæ Terulen, applicamus.

§.7. Insuper ad tollendas dissensiones, quæ inter Capitulares, & alios Ministros dictæ Ecclesiæ Terulen, persæpe oriri solent, tam ratione curæ Animarum annexæ Vicariæ, quæ ibi dignitas existit, ob cuius impedimenta Vicarius nunquam, aut raro divinis Horis interesse potest, & ut plurimum ejus servitio dicta Ecclesiæ defraudatur, quorum Canonicatum, & Præbendam ipsi dignitatibus, Decanatu, Thesauraria, Cantoria, & Sacristia annexarum, quos idem Prædecessor cum ipsis dignitatibus incompatibiles esse voluit, cum Vicariam, & alias antiquas hujusmodi dignitates per cessum, vel defectum illas obtinentium, aut alias quovis modo vacabunt, aut si jam acta, quocumque modo vacant, ipsam Vicariam perpetuo supprimus, & extinguimus; Necnon unionem, annexionem, & incorporationem illi, ac aliis antiquis dignitatibus prædictis, de singulis Canonicatus, & Præbendis prædictis dudum factam dissolvimus, illosque per unionis hujusmodi dissolutionem vacantes ex nunc, una cum omnibus eorum fructibus, redditibus, & proventibus, ac juribus pertinentibus, & annexis Mensæ Capitali dictæ Ecclesiæ Terulen, cum onere curæ Animarum prædictis per duos ex dictis Ministris ut supra exercenda, unimus, anneximus, & incorporamus: ita quod liceat Capitulo prædicto corporalem, realem, & actualem eorum possessionem libere apprehendere, & perpetuo retinere, ac fructus, redditus, & proventus, jura, obventiones, & emolumenta illorum percipere, & exigere, Diocesani Loci, vel cuiusvis alterius licentia desuper minime requisita.

§.8. Diftos vero octo portionarios, seu Beneficiatos in dictam Ecclesiam Terulen, translatos, quibusque, ut eidem Ecclesiæ Terulen, inservirent, quadringente libra per eundem Nuncium assignate fuerunt, & in ea permanere nolunt, cum nec Ecclesiæ servitio necessarii sint, nec id convenire dignoscatur, ad eundem Locum unde prodierunt, statumque, in quo antequam

sic transferrentur, reperiebantur, quousque eorum Ecclesia fabricata, vel aliquid aliud in contrarium ordinatum sit, restituiamus, dictasque quadringentas libras eidem Mensæ Capitali Ecclesiæ Terulen, perpetuo reunimus, restituiamus, & applicamus.

§.9. Porro cum Thesauraria dictæ Ecclesiæ Terulen, fructus adeo tenues sint, ut deductis ejus oneribus, ad summam centum librarum similibus non ascendat, & provide illam pro tempore obtinens ex eis pro talis dignitatis exigentia nullo modo vivere possit, illi centum, & quinquaginta, singulis vero ex prædictis tresdecim Canonicatus, & Præbendis, centum computatis tamen in ipsis quibuscumque fructibus, redditibus, & proventibus, juribus, obventionibus, & emolumentis eorum Canonicatum, & Præbendam ex Archidiaconatus, & Archiepiscopatus suppressorum in districtu de Teruel existen, decemque Ministris prædictis, & seu eorum officiis mille, ita ut eorum quilibet centum libras similes singulis annis habeat ex Archidiaconatus, & Archiepiscopatus de Teruel suppressorum fructibus, redditibus, & proventibus, juribus, obventionibus, & emolumentis, quæ tamen omnes libere a Mensæ Capitali prædicta exigi, & percipi, ipsarumque mille librarum medietas, videlicet in distributionibus quotidianis, ut dicti decem Ministri una cum ipsis Canonicis, & dignitates obtinentibus, horis diurnis, atque nocturnis in dicta Ecclesia intersint: Altera vero medietas in, & pro salario, seu mercede congrua ipsorum consistere, & lucrari, & Capitulum dictæ Ecclesiæ Terulen ex trecentis libris duobus Sacristis, Macerio, Campanerio, ac prædictis sex pueris Chori, seu eorum officiis per dictum Nuncium alias applicatis, cuiuslibet eorumdem congruam mercedem pro cuiusque qualitate, officioque, & meritis quolibet anno, suis loco, & tempore, solvere teneatur, necnon omnes fructus, redditus, proventus, jura, & obventiones, quos Archiepiscopus Cæsaraugustanus e loco de Mozanera territorii Terulen, ante dictam discernationem percipiebat, eidem Episcopo Terulen pro ejus Mensæ Episcopali, eos autem omnes fructus, redditus, & proventus, jura, obventiones, & emolumenta, quos idem Archiepiscopus Cæsaraugustan. in termino de Sollavientos, & Allepuz percipiebat, ipsi Archiepiscopo Cæsaraugustano, Archidiaconatu de Aliaga, & fabrica Cæsaraugustan. inter illos, veluti fructus, redditus, & proventus, jura, obventiones, & emolumenta, quos Archiepiscopus ipse in quinque Villis, & in Commenda de Aliaga habebat dividendos, reservata tamen super quarta parte dictorum fructuum, reddituum, & proventuum, jurium, obventionum, & emolumentorum sexta parte, quam, & aliam sextam partem quartæ fructuum de Montagudo Terulen, Diocesis, quos dictus Nuncius certis de causis Archiepiscopo Cæsaraugustano præ-

Novam Episcopi, Dignitatum, Capituli, Ministrorumque, dorem constituit.